

例言

一本書共選唐詩四百六十三首。作者一百三十五人。爲歷代詩讀本第二種。上繼六朝。下開炎宋。古律之變。此爲關鍵。學近體者。宜先肄及。

一本書草創在十一年初夏。評選者爲王君欽先生。至十月而稿本成。明年春。銘始爲之排比次第。考定姓字。作小傳一卷。從事音注。至六月二十七日。成五古一卷。八月八日。成七古一卷。至今年一月七日。又成五律一卷。其間或作或輟。因有他事。未能專精。恐誤出版之期。乃以後三卷屬諸張梓良先生。逾四月而全書乃告成功。以此見編輯之不易。雖區區小冊。亦須廢兩載之時間。經三人之合作。縱不敢自信其精詳。較之成書太易者。或亦稍有別乎。

一王先生之於唐詩。宗中晚而祧初盛。進近體而疏古風。故雖如陳子昂之

振衰起敝。唐興一人而亦隻字未登。其他時代作品。採錄亦容有未備。獨於晚唐巨細無遺。此蓋宗派不同。識解異趣。未可指爲偏漏也。但學者畢此書後。似尙宜廣搜他籍。觀其會通。庶於一代升降之際。愈益明瞭也。

一詩無達詁。善讀者玩索自得。若必曰某字何云。某句何指。牽強附會。無論生於數百年之後。不能得作者之心理。卽作者當時亦未必竟如是也。本書於音義旣明。典實旣獲。無取繁引。不事疏證。凡此皆不敢強作解人。以招固哉之譏。

小傳

魏徵字玄成。曲城人。初事太子建成。太宗時。拜諫議大夫。轉祕書監。拜特進。知門下省事。封鄭國公。卒。諡文貞。

王績字無功。龍門人。隋末授祕書省正字。出爲六合丞。高祖時。以前官待詔。門下省。棄官歸東皋。著書號東皋子。

韋承慶字延休。陽武人。舉進士官太子司議。累遷鳳閣侍郎。知政事。神龍初。坐附張易之流嶺表。起爲祕書少監。授黃門侍郎。未拜。卒。

張九齡字子壽。曲江人。舉進士。爲左拾遺。進中書舍人。集賢院學士。俄拜中書侍郎。同平章事。遷中書令。爲李林甫所厄。罷相家居。卒。諡文獻。

宋之問一名少連。字延清。弘農人。武后時。累轉尚方監丞。後坐附張易之。左遷瀛州參軍。景龍中。復官考功員外郎。轉越州長史。睿宗卽位。徙欽州。尋賜死。

王勃字子安龍門人。未冠應舉及第。授朝散郎。補虢州參軍。坐事除名。父左遷交趾令。勃往省視。渡海溺水。悸而卒。年二十八。

杜審言字必簡。襄陽人。舉進士。爲隰城尉。累轉洛陽丞。坐事貶吉州司戶參軍。尋免歸。武后時。授著作佐郎。遷膳部員外郎。神龍中。坐交張易之兄弟。流峯州。尋入爲國子監主簿。修文館直學士。

駱賓王義烏人。初爲道王府屬。歷武功主簿。又調長安主簿。武后時。左遷臨海丞。棄官去。徐敬業起義。署爲府屬。敬業事敗。賓王亡命。不知所終。

張說字道濟。一字說之。洛陽人。武后時。策賢良方正第一。授左補闕。擢鳳閣舍人。忤旨。配流欽州。中宗召還。累遷工部兵部侍郎。修文館學士。睿宗拜爲中書侍郎。知政事。開元初。進中書令。封燕國公。尋出刺相州。後爲集賢院學士。尙書左丞相。卒。諡文貞。

沈佺期字雲卿。內黃人。舉進士。累遷通事舍人。轉考功郎。給事中。坐交張易

之流驩州。神龍中，拜起居郎，修文館直學士。歷中書舍人、太子少詹事，開元初卒。

賀知章，字季真，永興人。舉進士，累遷太常博士，轉太常少卿，遷禮部侍郎，加集賢院學士，改工部侍郎，遷祕書監。天寶初，請爲道士還鄉里，卒年八十六。

王灣，洛陽人。先天進士。開元初，爲滎陽主簿。馬懷素請校正羣籍，灣在選中，終洛陽尉。

張旭，字伯高，吳人。嗜酒，善草書，世呼爲張顛，爲常熟尉。

張若虛，揚州人。兖州兵曹，與賀知章、張旭、包融號吳中四士。

王維，字摩詰，河東人。開元進士。天寶末，爲給事中。安祿山陷兩都，維爲賊所得。賊平，授太子中允，遷中庶子、中書舍人。復拜給事中，轉尙書右丞，卒，贈祕書監。

裴迪。關中人。初與王維崔興宗居終南。同倡和。天寶後爲蜀州刺史。丘爲嘉興人。事繼母孝。常有靈芝生堂下。累官太子右庶子。致仕。卒年九十。六。

崔顥。汴州人。開元進士。累官司勳員外郎。

祖詠。洛陽人。開元進士。與王維友善。張說在并州。引爲駕部員外郎。

李頎。東川人。家於潁陽。開元進士官新鄉尉。

儲光羲。兗州人。開元進士。又詔中書試文章。歷監察御史。安祿山反。陷賊。自歸。

王昌齡。字少伯。京兆人。開元進士。補祕書郎。調汜水尉。遷江寧丞。不護細行。貶龍標尉。世亂還鄉。爲刺史閻丘曉所殺。

常建。籍未詳。開元進士。爲盱眙尉。

劉長卿。字文房。河間人。開元進士。至德中。爲監察御史。以檢校祠部員外郎。

爲轉運使判官知淮南鄂岳轉運終隨州刺史

崔曙宋州人開元進士以試明堂火珠詩得名

王翰字子羽晉陽人登進士第舉直言極諫調昌樂尉復舉超拔羣類召爲祕書正字擢通事舍人駕部員外郎出爲汝州長史改仙州別駕貶道州司馬卒

張巡河東人開元末舉進士天寶中爲真源令祿山之亂巡起兵討賊後至睢陽與太守許遠嬰城固守經年乏食城陷死之

孟浩然字浩然襄陽人少隱鹿門山年四十乃遊京師與張九齡王維爲忘形交九齡鎮荊州署爲從事開元末疽發背卒

李白字太白成紀人初隱岷山天寶初至長安賀知章見其文言於明皇召見供奉翰林後放還永王璘都督江陵辟爲僚佐璘謀亂兵敗白坐長流夜郎會赦得還

韋應物。長安人。永泰中。授京兆功曹。遷洛陽丞。建中三年。拜比部員外郎。出爲滁州刺史。久之。調江州。改左司郎中。復出爲蘇州刺史。

張謂。字正言。河南人。天寶進士。乾元中。爲尚書郎。大曆間。官至禮部侍郎。三典貢舉。

岑參。南陽人。天寶進士。累官右補闕。改起居郎。尋出爲虢州長史。復入爲太子中允。由庫部郎出刺嘉州。退居杜陵山中。客死於蜀。

高適。字達夫。渤海人。舉有道科。釋褐封丘尉。累官蜀彭二州刺史。進成都尹。劍南西川節度使。召爲刑部侍郎。轉散騎常侍。封渤海縣侯。卒。贈禮部尚書。諡曰忠。

杜甫。字子美。襄陽人。居杜陵。天寶初。應進士不第。後以獻賦得待制集賢院。肅宗時。拜左拾遺。以事黜。尋起爲工部員外郎。晚歲寓居耒陽。卒。年五十。九。

賈至字幼鄰洛陽人擢明經第爲單父尉拜起居舍人知制誥肅宗時擢中書舍人除尙書左丞大曆初封信都縣伯遷京兆尹右散騎常侍卒諡曰文

錢起字仲文吳興人天寶進士官祕書省校書郎終尙書考功郎中
張繼字懿孫襄州人天寶進士大曆末檢校祠部員外郎分掌財賦於洪州
韓翃字君平南陽人天寶進士建中初除駕部郎中知制誥擢中書舍人
劉方平河南人與元德秀善不仕

王之渙并州人天寶間與王昌齡崔國輔鄭畋聯唱迭和名動一時
崔敏童博州人右驍衛將軍冀州刺史庭玉之子駙馬都尉惠童之昆弟也
戎昱荆南人登進士第衛伯玉鎮荆南辟爲從事建中中爲辰虔二州刺史
戴叔倫字幼公金壇人嘗佐曹王皋幕守撫州刺史遷容管經略使綏來蠻落威名流聞

李益字君虞姑臧人。大曆進士。憲宗時召爲祕書少監。集賢殿學士。負才傲物。衆不能堪。坐降秩。太和初以禮部尙書致仕卒。

司空曙字文明。廣平人。登進士第。從韋皋於劍南。貞元中爲水部郎中。終虞部郎中。

王建字仲初。潁川人。大曆進士。初爲渭南尉。歷祕書丞。侍御史。太和中出爲陝州司馬。從軍塞上。後歸咸陽。卜居原上。

裴度字中立。聞喜人。貞元進士。憲宗時累遷司封員外郎。知制誥。尋拜門下侍郎。同平章事。督諸軍討平淮蔡。封晉國公。爲皇甫鎛所構。罷爲河東節度使。穆宗卽位。入爲中書侍郎。平章事。旋爲李逢吉所間。罷爲山南西道節度使。寶曆中復入輔政。帝崩。迎立文宗。牛僧孺李宗閔以度功高忌之。罷爲山南東道節度使。徙東都畱守。開成中拜中書令。卒諡文忠。

韓愈字退之。南陽人。貞元進士。張建封辟爲府推官。調四門博士。遷監祭御

史上疏極論宮市貶陽山令。元和中復爲博士累進中書舍人。西請爲行軍司馬以功遷刑部侍郎諫迎佛骨謫刺史潮州移袁州穆宗卽位召拜國子祭酒兵部侍郎轉吏部侍郎長慶中卒贈禮部尙書諡曰文。

柳宗元字子厚河東人登進士第應舉宏辭授校書郎調藍田尉爲監察御史裏行王叔文章執誼用事尤奇待宗元擢尙書禮部員外郎會叔文敗貶永州司馬移柳州刺史卒年四十七。

劉禹錫字夢得彭城人貞元進士登博學宏詞科爲監察御史轉屯田員外郎判度支鹽鐵王叔文敗坐貶朗州司馬久之召還復出爲播州刺史易連州又徙夔州後由和州刺史入爲主客郎中集賢直學士復刺蘇州再遷太子賓客會昌時加檢校禮部尙書卒年七十二。

孟郊字東野武康人少隱嵩山性介少諧合年五十得進士第調溧陽尉鄭

慶餘爲東都畱守。署水陸轉運判官。卒。張籍私謚曰貞曜先生。

張籍字文昌。吳人。或曰烏江人。貞元進士。授太常寺太祝。久之。遷祕書郎。韓愈薦爲國子博士。歷水部員外郎。主客郎中。終國子司業。

元稹字微之。河內人。元和初。應制策第一。除左拾遺。歷監察御史。坐事貶江陵士曹參軍。徙通州司馬。自虢州長史徵爲膳部員外郎。拜祠部郎中。知制誥。召入翰林。爲中書舍人承旨學士。進工部侍郎。同平章事。未幾罷相。出爲同州刺史。改越州。兼御史大夫。浙東觀察使。太和初入爲尙書左丞。檢校戶部尙書。兼鄂州刺史。武昌軍節度使。卒。贈尙書右僕射。

白居易字樂天。下邳人。貞元進士。元和初。對制策入等。調整屋尉。集賢校理。尋召爲翰林學士。左拾遺。拜贊善大夫。以言事貶江州司馬。徙忠州刺史。穆宗初。徵爲主客郎中。知制誥。復乞外。歷杭蘇二州刺史。文宗立。以祕書監召。遷刑部侍郎。俄移病。除太子賓客。分司東都。拜河南尹。會昌初。以刑

部尙書致仕。卒。贈尙書右僕射。諡曰文。

李涉。洛陽人。初與弟渤同隱廬山。憲宗時爲太子通事舍人。尋謫峽州司倉參軍。太和中爲太學博士。復流康州。自號清谿子。

張祜。字承吉。清河人。以宮詞得名。嘗客淮南。愛丹陽曲阿地。築室卜隱。朱慶餘名可久。以字行。越州人。受知於張籍。登寶曆進士。

楊漢公。字用乂。弘農人。虞卿之弟。太和進士。累官司封郎中。坐虞卿出刺舒州。徙湖亳。蘇三州。終桂林觀察使。

雍陶。字國鈞。成都人。太和進士。大中八年。自國子毛詩博士出刺簡州。

李遠。字承古。蜀人。太和進士。歷忠建江三州刺史。終御史中丞。

杜牧。字牧之。萬年人。太和進士。舉賢良方正。爲牛僧孺淮南節度府掌書記。擢監察御史。移疾分司東都。以弟顥病棄官。復爲宣州團練判官。拜殿中侍御史。內供奉。累遷左補闕。史館修撰。改膳部員外郎。歷黃池睦三州刺

史人爲司勳員外郎改吏部復乞爲湖州刺史踰年拜考功郎中知制誥遷中書舍人卒

許渾字用晦丹陽人太和進士爲當塗太平二縣令以病免起潤州司馬大中三年爲監察御史歷虞部員外郎睦郢二州刺史

李商隱字義山河內人開成進士調弘農尉又試拔萃中選補太學博士柳仲郢節度劍南東川辟判官檢校工部員外郎府罷客滎陽卒

薛瑩爵里無考文宗時人

喻亮毗陵人開成進士終烏程尉

劉得仁長慶中以詩名自開成至大中三朝昆弟皆歷貴仕而得仁出入舉場三十年卒無成

嚴憚字子重吳興人舉進士不第與杜牧遊

薛逢字陶臣河東人會昌進士授萬年尉直弘文館歷侍御史尙書郎出爲

巴州刺史。復斥蓬州。尋以太常少卿召還。歷給事中。遷祕書監。卒。

趙嘏字承祐。山陽人。會昌進士。大中間。仕至渭南尉。卒。

姚鵠字居雲。蜀人。會昌進士。

項斯字子遷。江東人。會昌進士。終丹徒尉。

馬戴字虞臣。會昌進士。大中初。太原李司空辟掌書記。以正言被斥。爲龍陽

尉。咸通末。佐大同軍幕。終太學博士。

薛能字太拙。汾州人。會昌進士。大中末。補盩厔尉。李福鎮滑。表署觀察判官。

歷御史都官。刑部員外郎。福徙西蜀。奏以自副。咸通中。攝嘉州刺史。選主

客度支。刑部郎中。權知京兆尹事。授工部尙書。節度徐州。徙忠武。廣明元

年。徐軍戍澠水。經許。能以舊軍館之城中。軍懼見襲。大將周岌乘衆疑逐

能。自稱畱後。因屠其家。

崔櫓。大中進士。仕爲棣州司馬。

李羣玉字文山。澧州人。性曠逸。赴舉一上而止。裴休爲相。以詩論薦。授弘文館校書郎。未幾乞假歸。

賈島字浪仙。范陽人。初爲浮屠。名無本。來東都。時洛陽令禁僧。午後不得出。島爲詩自傷。韓愈憐之。因教其爲文。遂去浮屠。舉進士。累舉不中第。文宗時。坐飛謗。貶長江主簿。會昌初。以普州司倉參軍遷司戶。未受命卒。

溫庭筠本名岐。字飛卿。太原人。工爲詞章小賦。與李商隱皆有名。然行無檢幅。數舉進士不第。徐商鎮襄陽。署爲巡官。不得志去。歸江東。後商知政事。欲白用。會商罷相。楊收疾之。貶方城尉。再遷隋縣尉。卒。

段成式字柯古。河南人。世客荊州。宰相文昌子。以蔭爲校書郎。祕閣書籍。披閱皆遍。歷尙書郎。太常少卿。連典九江。縉雲。廬陵三郡。坐累。退居襄陽。

劉駕字司南。江東人。大中進士。官國子博士。

李頻字德新。壽昌人。大中進士。調祕書郎。爲南陵主簿。判入等。再遷武功令。

俄擢侍御史。守法不阿。累遷都官員外郎。丐建州刺史。以禮法治下。卒於官。父老爲立廟。梨山祠之。

曹鄴字業之。桂州人。大中進士。由天平幕府遷太常博士。歷祠部郎中。洋州刺史。

儲嗣宗字里未詳。大中進士。

司馬扎大中時人。爵里無考。

高駢字千里。幽州人。南平郡王崇文之孫。初事朱叔明爲司馬。後歷右神策軍都虞候。秦州刺史。咸通中。拜安南都護。進檢校刑部尙書。以都護府爲靜海軍。授駢節度兼諸道行營招討使。僖宗立。加同中書門下平章事。遷劍南西川節度。進檢校司徒。封燕國公。徙荆南節度。加諸道行營都統。鹽鐵轉運等使。俄徙淮南節度副大使。廣明初。進檢校太尉。東西都統。京西北神策軍諸道兵馬等使。封渤海郡王。爲部將畢師鐸所害。